

448

十三經義疑

三

十三經義

總校官編修臣王燕緒

校對官編修臣陳昌齊

謄錄監生臣葛魏錫

欽定四庫全書

十三經義疑卷六

周禮

陳其殷

華亭吳浩撰

註云殷衆也謂衆士也王制諸侯上士二十七人其中
士下士數各居其上之三分鄭蓋引之以證其衆按序
官中士佐上士則倍之下士佐中士亦倍之下士佐上

士則再倍之是其數之衆也疏乃云盟會立位之序大國之士為上北面前行上九中九下九次國之士為後行上士當大國之中士中士當大國之下士下士當其空小國之上士當大國之下士中士當次國之下士下士當其空則位也而非數矣且士之為介若特行可空國而出乎詳見余禮記疑數各居其上之三分條

庶辨

鄭註辨辨然不疑惑也蓋可取不可取既有分辨矣推

之他事亦分明而不惑陳用之云天下之理成於所辨
故服章以黻終焉周官六計終於廉辨亦六服後黻之
意也

正歲

夏曰歲商曰祀周曰年三正已見於夏書而正歲獨存
於周禮凡周之法以子月和之寅月而懸於象魏為建
寅得四時之正以出教令者審也梓慎云夏數得天逸
周書云亦越我周改正以垂三統至於敬授民時巡狩

烝享猶自夏焉蓋周雖建子仍以夏令為善矣孔子曰
行夏之時夫豈臆說歟

稍食

宮正均其稍食註云祿廩不釋稍字之義叅觀稍事稍
禮稍秣稍餼稍地則稍食也者稍稍給與出物有漸之
謂歟疏引月俸為証蓋古者祿皆月別給之不併給

惟王不會

周禮屢言惟王不會優尊也然亦惟膳飲裘服弓弩矢

簠之類耳若上之用財用則必攷於司會焉上之小用
賜予則歲終會其出焉非全無簡稽者

玉府

凡王之獻金玉兵器文織良貨賄之物獻字當屬在下
者與后妃獻繭相類觀下句受而藏之可見矣言凡王
家之獻來諸物玉府受之也若獻字屬王則與下好賜
重且自尊賜卑不當云獻獻雖隣國不得稱富鄭公所
以與金人力爭也齊侯來獻戎捷春秋惡其威我而斥

之耳齊曷嘗尊魯哉馬昭難王肅引君洗玉爵獻卿然
此獻字對酢為義天地祖宗臨之雖天子亦當自貶以
合萬國之歡心與饋獻之獻不同

不云五十言十五者亦誤

愚按貨布重二十五銖直貨錢二十五大泉輕於貨布
則直十五貨泉宜也安得反貴於貨布而直五十乎及
閱檀弓孔疏引鄭云貨布長二寸五分廣寸首長八分
有奇廣八分其圜好徑二分半足枝長八分右文曰貨

左文曰布重二十五銖直貨泉二十五大泉徑一寸二分重十二銖文曰大泉直十五貨泉貨泉徑一寸重五銖右文曰貨左曰泉直一也鄭君目所覲見言之甚詳而孔氏亦不以為非然則誤在賈不在鄭矣

以衣服異於膳羞與所加禽獻

按膳夫惟王及后世子之膳不會庖人惟王及后之膳禽不會註云禽獻加世子可以會之今外府共王及后世子之衣服而云惟王及后之服不會是世子亦在所

會中矣蓋世子之不會者止膳耳賈氏謂衣服異於膳羞與所加禽獻故通世子可以會之豈以世子之膳禽亦不會乎與所加禽獻五字可刪

掌為大裘以共王祀天之服

䟽兼四時雖本月令然春秋猶可如夏日之炎炎何按夏小正九月王始裘月令孟冬天子始裘則此祀天當是冬至祀天及夏正之月郊感生之帝季秋總享五帝於明堂時司服所云祀五帝亦大裘蓋如此小宗伯北

五帝於四郊不云四時不必與月令分四時祀五帝牽合也

天子之臣服無文亦得與諸侯之臣服同

竊疑天子之臣內諸侯也祿視外諸侯則服亦當視外諸侯即壓於天子而稍降豈同於諸侯之臣服乎哉按天子之上士三命中士二命下士一命諸侯惟公國一孤四命其卿大夫從三命而下其命等於王之士故諸侯之臣入天子之國曰某士然則天子之卿大夫固與

諸侯同下大夫雖四命出封加一等為子男亦非公國之孤可比也

一曰散利

玩散字是散財發粟以周之不復徵還與鄉師以歲時巡國及野而調民之糴阮以王命施惠同平常歲時猶周艱阮矧荒年子若旅師春頒秋歛另是一法

論語註云六尺謂年十五

卿大夫職六尺言稍長而可征論語六尺言其幼以為

長力可使也以為幼識不足也

國中自七尺以及六十野自六尺以及六十有五
皆征之

地官卿大夫之職以歲時登其夫家之衆寡辨其可任
者國中至征之註云國中城郭也晚賦稅而早免之以
其所居復多役少野早賦稅而晚免之以其復少役多
禮書則云國近而役多故晚征早舍野遠而役少故早
征晚舍欲使勞逸輕重均而已陳鄭之說通蓋鄭註役

少役多以人言陳用之則以事言役之人少則一人兼後數事而勞甚矣非十五及六十有五所能勝鄭氏戴師註云國稅輕近而重遠近者役多亦謂役事多也

謂五官各有牛人羊人犬人豕人之等

六牲分屬五行故五官各主之司徒主牛有牛人司馬主羊有羊人司寇主犬有犬人冬官缺無豕人而言豕人者推牛人之類而知之也又宗伯主雞有雞人大司馬喪祭奉詔馬牲皆於之等二字中該之矣

載師凡宅不毛者有里布凡田不耕者出屋粟凡民無職事者出夫家之征

會稽季本讀禮疑圖譏其掎剋是大不然惟火烈故鮮死豫示重罰所以止之非待其游惰而遂罰之也夫游惰之害不可勝言故周公制禮不耕者死後祭無盛不樹者死後無周棺不蠶者身不得衣帛不畜者死後祭無牲婦人不績其麻死則不為之着衰裳法在必行庶幾人人知懼國無游民而身家保品行全其宅樹桑麻

民就四業則無賦稅以勸之元公作用仁之至義之盡也

宅不毛無一里之罰布天下願為之民矣

司農引孟子以其有合於周公愛民之仁蓋廛在後市非曠土非游民斯無罰矣如䟽所言顯與經背

師氏至德以為道本

上德不德言不以德教民因循自然其德不見所謂常道蓋自然長生之道以無為養神無事安民與至德以